

Era neteja deth Garona e eth parc de Pompièrs de Bossòst, òbres d'immediata execucion



Es acòrds se preneren en plen celebrat dimèrcles en Conselh, en quau tanben s'adjudiquèc era gestion deth minjador escolar

III Eth plen deth Conselh Generau aprovèc dimèrcles, era adjudicacion des òbres entara neteja des ribèrres der arriu Garona des deth

Pònt dera Capèla de Tredòs enquiath Pònt de Les. Un aute des acòrds que s'artenhen siguèc era adjudicacion des òbres entath bastiment

deth nau parc de Pompièrs de Bossòst. D'aguest parc ja se hec ua prumèra fase ena que se bastiren es cochèrres. Ara ei previst, en un edifici anèx,

plaçar es burèus e equipments. En aguest madeish plen tanben s'acordèc era adjudicacion dera gestion deth minjador escolar.



Eth parc de Pompièrs de Bossòst ja compde damb era nau entàs coches

SILVIA PUÉRTOLAS

Era Glèisa de Sant Fèlix de Vilac recupèrè eth sòn campanau

V Era Glèisa de Sant Fèlix de Vilac, compde damb ua naua estructura en sòn campanau dempús qu'eth passat mes de junhsèga patisse es consequéncies d'un relampit que i queiguet ath dessús, en tot usclar era vielha estructura de husta e maumèter es lòses d'ua des pales deth campanau.

Es trabalhs, que s'an executat, an consistit en apraiar tota era part afectada en tot plaça-i cabirons de hèr entà reforça-la. Tanben s'an remeüt es lòses trincades per ues autes de vielhes entà evitar que i age contrast damb era auta part deth campanau. Aguestes lòses an estat recuperades d'ua bastissa qu'a er ajuntament e qu'en aguesti moments s'apraie.

MIRALHEM-MOS

VIII Non podem desbrembar era importància deth bestiar ena Val d'Aran. A çò de Marteta de Gausac a mèis d'èster pagesi se dedicauen ara carnisseria. Jose Maria Solé mo'n hè cinc sòs e mos conde que de miejans des ans quaranta e pendent es ans cinquanta quan era enterpresa Productora bastie es centraus e es canaus portèren apruprètz uns dus mila trabalhadors. Eri, es de Marteta que ja trabalhauen damb eth bestiar, sigueren es provedidors des codines des campaments dera companhia.

Corsi de Gascon-Aranés ena Val d'Aran e Sant Beat

Periòde deth cors:

octobre de 1998 - mai de 1999

Orari:

- En Aran: Un dia per setmana a compdar des 19.00 ores.
- En Saint Beat: Un dia per setmana a compdar des 17.00 ores.

Lòc:

- En Aran: IES d'Aran, Estudi Garona.
- En Saint Beat: Mairie de Saint Béat.

Informacions e inscripcions:

- Conselh Generau d'Aran, Oficina de Foment e Ensenhament der Aranés.
Tel. 973 641801. Fax 973 641769.
- Association Patrimoine et Culture en Comminges-Val d'Aran.
Tel. 05-61794025. Fax 05-61798099.

